



Inatsisartuni ilaasortaq Anders Olsen  
Siumut

**Kalaallit Nunatta timmisartunik qulaavaanneqartarnera pillugu § 37  
naapertorlugu apeqquaqammut 2018-235-imut akissut**

31-10-2018  
Suliaq nr. 2018-17924  
Id nr. 34696047

Asasara Anders Olsen

Inatsisartut suleriaasianni § 37 naapertorlugu apeqquaqaatitut nassiussannut qujanaq. Apeqquqtit matuma kinguliani ataasiakkaarlugit allanneqarput, akissummillu malitseqarlutik.

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
Fax: (+299) 34 63 56  
www.naalakkersuisut.gl

**Apeqquq 1: Kalaallit Nunatta timmisartunik qulaavaanneqartarnera tamakkiisumik oqartussaaffiup tiguneqarnissaannut Inatsisartut 2017-imi immikkoortoq 180-imi aalajangigaat aallaavigalugu suliaq sumummita killippa? Qaqugulu suliaat naammassissava?**

Akissut: Aalajangigassamut siunnersuummi tigusinissaq pineqanngilaq kisiannili suleqatigiissitanik pilersitsinissaq. Suliami sinaakutissat sukumiisumik suliarineqarsimapput qallunaat oqartussaasui qanimut suleqatigalugit. Taamaattorli suliarisassat allasimaffiata inaarutaasup suliarinera ilimagisamit sivisunerusimavoq suliaq annertuumik katitigaanera pissutigalugu. Suliarisassat allasimaffia 2018-imi politikikkut suliarineqarnissaa ilimagineqarpoq.

**Apeqquq 2: NavAir aqutigalugu oqartussaaffiup tiguartuaarnissaa Naalakkersuisut malinniarpaat?**

Akissut: Suleqatigiissitat suliaasaat tassaavoq suliaqarfik tiguneqassappat kingunissai nassuiassallugit, tassunga ilaagamik inatsiseqarneq, allagartaqarneq aamma nakkutiginninneq.

Tamatuma saniatigut suleqatigiissitat aamma Kalaallit Nunaata qulaani silaannarni qulliusuni timmisartut ingerlaarnerannik nakkutillineq pillugit Islandimik aamma Canadamik isumaqatigiissutit atorunnaarsinnerisa kingunerisassaata nassuiassavaat. Kingunerisassat tamakkiisumik paasinarsarneqareerpata angallannermik aqutsineq pillugu apeqquq isummerfigineqarsinnaangussaaq.

**Apeqquq 3: Timmisartut qulaavaasartut pillugit Island-imut aammalu Canada-mut isumaqatigiissutit atorunnaarsinnissaat pilersaarutaava?**

**Atorunnaarsinneqassagalarpatalu Kalaallit Nunaata nammineq kisimi kikkut suleqatigineqassanersut aalajangissagaa Naalakkersuisut isumaqatigivaat?**

Akissut: Kalaallit Nunaata qulaani silaannaq akisussaaffilerlugu suli tiguneqarsimangilaq. Taamaammat Islandimik aamma Canadamik isumaqatigiissutit qallunaat naalagaaffiannit atorunnaarsinneqartussaassapput. Kalaallit Nunaata qulaani silaannat alliusut ullumikkut Danmarkimit isumagineqarput Naviair ingerlatsisoralugu. Aatsaat kingunerisassat sukumiisumik nassuiarneqareerpata aalajangiisoqarsinnaavoq. Timmisartukkut angallannerup akisussaaffilerlugu tiguneqassappat kina suleqatigerusunnerlugu Kalaallit Nunaata nammineq oqartussaaffigilissavaa.

**Apeqquut 4: Oqartussaaffiup tigujartuaarnissaanut atatillugu Naalackersuisut qanoq qulakkeerniarpaat Kalaallit Nunaata innuttaasullu pissarsiassaat annerpaajutinnissaa?**

Akissut: Tamanna suleqatigiissitat inaarutaasumik nalunaarusiaanni nassuiarneqarsimanissaa naatsorsuutigineqarpoq. Soorunami Naalackersuisut anguniagarivaat akisussaaffilerlugu tiguneqassappat sapinngisaq tamaat naapertorlugu Kalaallit Nunaannut iluaqutaatinneqarnissaa.

**Apeqquut 5: Naalackersuisut silaannartatta aqunneqarnerata tigujartuaarnissaanut suliffiit nunatta immikkoortuani sumi inissisimanissaat pingaernerutippaat? Suliffiit Nuummiinnissaat imaluunniit sinerissami?**

Akissut: Tamanna suli misissorneqanngilaq.

**Apeqquut 6: Timmisartorsuit anginerit Kalaallit Nunaata silaannartaani qulaavaasartorpassuit Kangerlussuup mittarfissuani isumannaallisaaneq peqqutigalugu (alternativlufthavn-itut) atorpeqartarneranik aallaaveqartumik qulaavaasarpat?**

Akissut: Naagga. Timmisartut Atlantikup Imartaa qulaallugu ingerlaartartut amerlanerit "North Atlantic Organized Track System" (OTS) najoqqutaralugu ingerlaartarput. OTS-ip toqqammavigisai ilaatigut tassaapput silaannarni qutsinnerusuni silaannat sukkasuumik ingerlaarnerat aamma silaannaat naqitsineri. Aqquiti ingerlaarfigisat nikerarput imalu inissinneqartarlutik timmisartut Atlantikup Imartaa qulaallugu ingerlaarfianni sapinngisamik annerpaamik oqumittussanngorlugit imaluunniit sapinngisamik minnerpaamik assortussanngorlugit. Tamatuma kingunerisarpaa kimmut ingerlaartut Europamiit Amerikamut Kalaallit Nunaata kujataa'tungaa qulaakkiartortaraat pissutigalugu silaannat sukkasuumik ingerlaartut aqquiti Kalaallit Nunaata qulaani silaannanut pisittarmatigit. Kangimut ingerlaaraamik Amerikamiit Europamut Kalaallit Nunaata kujataata avataatigit imarpik qulaallugu ingerlaakkajuttarput.

**Apeqquut 7: Timmisartorsuit anginerit Kalaallit Nunaata silaannartaani qulaavaasartorpassuit eqqarsaatigalugit Kangerlussuup mittarfia annikilliliiffineqaraluarpat qanormita sunniuteqassava?**

Akissut: Kalaallit Airports A/S-ip Naalackersuisut ilisimatissimavai ilimagalugu Nuummi mittarfiup ETOPS isumagisarilissagaa Kangerlussuaq atorpeqarsinnaassanngippat.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Kim Kielsen